

2021
SÜMI (SÜ TSAH)

Total marks : 90

Time : 3 hours

General instructions:

- i) *Approximately 15 minutes is allotted to read the question paper and revise the answers.*
- ii) *The question paper consists of 24 main questions. All questions are compulsory.*
- iii) *Marks are indicated against each question.*
- iv) *Internal choice has been provided in some questions.*

N.B: *Check that all pages of the question paper is complete as indicated on the top left side.*

KOKÜPHA – A (Akiphi)

1. Hi aqhou yehpuakeu akivishi phino inju akeu khochile lo:

Timi lakhi kinikülü shi xüachekeki, Pa je Thochiu ache. Pa ye ashi hatomi lakhi. Pa tsü shihatsü lakhi Shihato ache. Atsüno pa sasü ashi hauwukelo ighono mügha, pama khilehimu kumsa akilo wochemo.

Ghulo lakhi pama achequ hasüsü avelo ilove eno kushuwo atsü ngo apuh pama dolo atono bideve. Shihato no achequ hasüsü mkakuki lo ilove. Atsüno khalau igha peghi aye Thochiu no pa tsü ghügha chilu eno alou igha ilo aye chimlave.

Thochiu no tipau alo ighilu. Pano pa tsü kuamu ipeghe moveke ghenguno pa tsü saluniye alou ilokeloye atu liphano patsü pama shotaluve. Tilehino Thochiu no atu lipha vilo, “Itsü pipiveni khaqhitsu,” pi. Kuchono atu liphano khaqhitsu kelono pano ipeveniye kuto ikemu atu liphano khaluve. Athiu ghi titoi shi ikemu atu liphano khaqi tsümove. Tighenguno ashekhalo pa no pa kuolo achi akeu ngo akühaghi kümtsü lekhope pa tsü kuolo tsühavetsü pu, “Shihato, niye womlava ake inanu hi pewo o za tsülo. Noh ye alaghi lo timi cheghi aye ala phelo ilovelu. Eno vejoi wono o za vilo ighilo pilo. Tithiu atu liphano khaqi tsüke pa tsü likhi puwove.

Shihato no itshü süsü akilo ananu püsü ighi. Tilehino aza no atsü sasü huke. Atsüno pa za sahu kichetsüke Aza no ‘Thochi,’ noye khilau ani kea? ipi inju. Thochi no kishekullu li vilopi. Eno atsala toku kulolo alibe puhu pa tsüche. Eno ghulo lakhi ye aghami sahu atu lipha chula niye pükapütsa kemu shimlave. Eno Thochiu no abazu no ngomlave. Tighenguno atu lipha lo aki kitila ghipheve tsü keu ki lono aghawu shino ye ipeve. Thochiu no pani pu vilo, “Ino ashiha ghulokilo I-Thochi I-Thochi He-he-he-pi atsü kiya chenani pive.” Thochi ye aghawu shiuve.

- (a) Kinikülü shi xuchekeu je khiu kea? **1**
- (b) Pa tsü je khu eno khilau no kiu shilu chekea? **2**
- (c) Pama khilau kelono kishive kea? Pama dolo khitohi ave kea? **1+1=2**

- (d) Pa tsü phu süsü kiu lo ilono kiu shive kea? 1
(e) Paye kishi aza lau patsü puwo kea? Aza ye atsala khijehi kuto lo pukapütsa ju kea? 2
(f) Thochiu, Shihato hikuma ye kiu kea? 1+1=2

KOKÜPHA – B (Akiye)

2. **Lakhi likhi yelo atsathi 100-150 dolono. Ghili kiye.**

- a. Ghili kiye: Asübo shoshü no pighi keu lo akhoto jeli akivishi yeh lo.
Momu 6
b. Aküküptsä (Dialogue writing). Ikhonhei keu lono Shikükau no kiphimi akiphi kilo munu ighi keu sasü küpütsa keu yeh lo.

3. **Hipau dolo lakhi likhi yelo:**

- a. Yehkümzü (Copy editing) eno ngo michi ghi süno yehlo:
Kughengu i no xu akeu ye wove keu lomu xu amoe ikemu ishi ghenguno kughengu no no itehi xü akeu lo omlllo süno xüaye no ye alokivimi lakhi ake tileno no no ithulu nani asayelli loghi xülu kepu ani kungulo ayepu ani eno asayehlli lo shiyehqo muto aghüshi ani.
Momu 4
b. Kuküsü lakhi atshathi 50 lono opuh punu mipe 50 pini skeu lo kuküsü lono akivishi A-a, atsala, ado eno peitha kutsüu mütsü misheyi yeh no owu haibo kikihi ghi yeh lo.

KOKÜPHA – C (Tsayeh eno Pekibide)

4. **Jeshe achipiu pe atsajoh kümsalo shepichi tsülo:**

- (a) Hiye _____ tsayeh. 1
(b) Lino mujothi _____ chue. 1
(c) Itimi _____ kümtsü nguno akiviu. 1
(d) Timi _____ thiveni pütsa. 1
(e) Hiye _____ kakku kea? 1

5. **Hi aqhou atsah küqü akeu shikümzü tsülo:**

- (a) Anhemgha hupama hilau khepuwolo. 1
(b) Kuhukupu lono izü ighi kemi hakusa. 1
(c) Aza ye achuquakusho kughuthi ani. 1
(d) Shikükau no Vili vilo pi “Vinoli okujo ighi kepu shia ke”. 1
(e) Alhou pelono ghi o kümghatsü peni! 1

6. **Sülekutho hipaqo kiqui yehlo:**

- (a) Ajiba kikimu kuha 1

- (b) Atsübaxa, lo ikulo 1
- (c) Achequti azapolo lakithi 1
- (d) Amiqha lo küzü wudu 1
- (e) Akuhu lache 1

7. **Sümi tsahlo pebide suvelo:** 5
 Smiling can be good for you. Research shows that smiling slows down the heart and reduce stress. A genuine smile blesses those on the receiving end as well. Without saying a word, it can tell others that you like them and that you are pleased with them.

KOKÜPHA – D (Tsaiko Küghakiche)

- 8. Alelu kishi lo kishi akichiu ayitiu dolo kije chekea? 1
- 9. Sümi ayehlutüghiu ye khiu pama kea aje yeh lo. 2
- 10. ‘Joyhagor’ ye kiu, khiu no kiu ghengu lono mlah tsü kea? 2
- 11. Gen. Kaito ye khuu noghami kea? Pa puh je eno paza je yehlo. Paye khuu no ghengu no mlache kea? 1+1+1=3
- 12. Kushiye Hebo ngo chisho pama dolo kimithikille che kea? 3
- 13. Ni Sümi khiu pe Sumi Paul kiqi lono xü ithughi ke pi cheni kea? Pa ye atüghilo kiu kümlah mlah chekea? 2+2=4
- 14. a. Godadhar ye khuno timi eno paye kiu shike lono Konyak limi sah auve kea? Panipu pama je yehlo. 5

Momu

- b. *Nokujo aqhutssü lakhi veqhilu nani, ikemu aquh veqhini keu azah kuha. Pano pa pelo atüghishi hawulo ipi. Ike pano amüqü jeli shino atssü lakhi kütashi hapheno veqhiluve. Akishe kümzapu patsü pa kusau ye shimlano aquh veqhivetsüno ighono kujove.*
 - (i) Nokujo ipi akeu ye khiu ngo khiu pama pi akea? (1)
 - (ii) Khiu no khiu pelo atüghiu shi aqhu veqhi peni keu pikea? (1)
 - (iii) Atssü kishiala shino veqhilu keu ye khiu kea? (1)
 - (iv) Akishe kümzapu patsü khiu no akishe khuu tsü kea? (1)
 - (v) Aquh veqhive tsü keu ye khiu kea? (1)

Leshe

15. Azüküzü kinnih lo kiu shicheghi keu alojimi no ithulu kea? 1

16. Tüghünakha kimi pama je yehlo. 2
17. Viyishe papuh je khiu pa nu je khiu kea? 2
18. Hevishe khiu no qhemi shi ake lono apuh thive kea? Papuh thikuzumi ye kishi pachepu pama peitha kea? 1+2=3
19. Anguku khijehi xapusu aghikelono khiu no wo ithulu no Tüghünakha xalu kea? 3
20. Hiye khuu no leshe lono khuu no kushiye pi ani keno akiqi ghi yeh lo. “Atsala ghi tixi tsala kishi lono süpha no pu akinino xishi Aghi no who ye akithi no kulu kiphe Anishi wu ala.” 1+3=4
21. a. Khuu no leshe lono kushiye pi kea?
 “O hoishe ipuh asüghiuno hayewo Ana chule icheli pe, Asüghi shitsü yewo. 1+4=5
- Momu**
- b. Hiye khiu no leshe lono kiu pi ani kea? “O hoishe inu Ilhoshe no ghi, Alokivi shi auve ye shimlave ala! O hoishe! Ino alah kutauye.” (1+4=5)

Lotsüh Kiye

22. Apu Santiago ye khile zü ke lono kuu samo pumolu kea? Paye kuu kümla shi che kemi kea? 1+1=2
23. Niye amhiyeho jekepu ani ipi, akeu ye khiu no khuu vilo pi kea? Pa vilo khe aghilo pi kelo khiu sasü kusholu kea? 1+2=3
24. a. Appu no muchomi lakhi sholu keu je ye khiu kea? Appu ye kiu pesü chighilo saje lakhi kiqi lono patsü kea? Amuchou ye kiu pesu appu tsü kea? Akiqi ghi yeh lo. 1+2+2=5
- Momu**
- b. *Kakupa lono akulaghilo ishi yeh pe tsüqhipe pua, alhikishi ki hipau lo atsah jeli picheni. Pa no ampeu ithulu kelo pa vilopi, “No no pulo aye Ino alashego ayina shikimitheve tsüni” Hipau me achuqupu itsülo.*
- (i) Khiu no khile ighi kea? (1)
- (ii) Pa no amipeu ithulu hiye khiu no kheu ithulu kea? (2)
- (iii) “No no pulo aye Ino alashego shikimitheve tsüni, tipau me achuqupu itsülo.” Khiu no khiu vilo pi ani kiu shiveno achuqupu khu akea? (2)
